

Bosna i Hercegovina  
Federacija Bosne i Hercegovine  
Bosansko-podrinjski kanton – Goražde  
Općina Goražde  
JU Centar za kulturu Goražde



***P R O G R A M***  
***XIII Internacionalnog “Festivala prijateljstva”***  
***Goražde 2010.***

***Februar, 2010.god.***

# S A D R Ź A J

*Naziv projekta: XIII Internacionalni "Festival prijateljstva"  
Goražde 2010.*

*Nosilac organizacije: JU Centar za kulturu Goražde*

*Adresa: Goražde, Zaima Imamovića br. 2  
Tel./fax 038 221 344, 061 136 910  
e-mail: czkgz@bih.net.ba  
e-mail: n.glasgz@bih.net.ba  
www.centarzakulturu.com.ba*

*Vrijeme realizacije: 30. juli - 07. avgust 2010. godine*

*Ukupan budžet: 165.000,00 KM*

## 1. UVOD

Općina Goražde, odnosno, njeno Općinsko vijeće je svojom Odlukom od 01. februara 2010. godine zadužilo javnu ustanovu Centar za kulturu da preuzme organizaciju i realizuje XIII Internacionalni Festival prijateljstva Goražde 2010.

Odlukom se ostvaruje višegodišnja ideja da se ubuduće kulturne manifestacije realizuju u institucijama nadležne djelatnosti. Također, odlukom se preciziraju određeni uslovi i međusobni odnosi Centra za kulturu, općine Goražde kao njenog osnivača, drugih preduzeća i institucija u pripremi organizacije i realizacije ovog mega projekta.

Na ovaj način daje se i posebno priznanje JU Centar za kulturu Goražde za 53 godine svog uspješnog rada u proteklom periodu, ali je ovo prije svega, ogromna obaveza da u kratkom vremenu organizuje XIII Internacionalni Festival prijateljstva, sve sa ciljem da bude uvijek bolji. On to može biti u sinhronizaciji organizacije sa prijateljima Festivala iz Francuske, Španije i drugih zemalja, uz korištenje raspoloživih resursa kadrovskih, tehničkih i drugih, ne samo, Centra za kulturu, već i odgovarajućih kapaciteta u Goraždu i Bosansko-podrinjskom kantonu Goražde, pa i šire.

## 2. O FESTIVALU

Ideja Festivala prijateljstva potekla je od velikih prijatelja iz Udruženja «Bosnia – Bretagne-et Gorazde», sa predsjednicom udruženja Catherine Herve iz Saint Brienc, pokrajine Bretagne Francuska 1997.godine, koja će se pretočiti u praksu 1998.godine kada je i održan prvi Festival prijateljstva.

**Ideja je naišla na nevjerovatno plodno tlo ovdje u najljepšem gradu Goraždu na rijeci Drini u BiH, regiji i svijetu.** Odmah narednih godina, Festivalu će se priključiti Udruženje «SOS Balkanes», sa predsjednicom Irene Cormenzane iz San Sebastiana, Baskija Španija.

Incijatori daju posebnu dimenziju Festivalu i ne može se ni zamisliti Festival bez njihovog angažmana, ali i drugih koji već tradicionalno učestvuju.

Također, na Festivalu imamo učesnike iz drugih zemalja: Njemačke, Italije, Austrije, Hrvatske, Slovenije, Crne Gore, Srbije, Makedonije, Turske, Švajcarske, SAD, Australije, Velike Britanije, Bugarske, Malezije, Danske, Norveške, Portugala, Bosne i Hercegovine i drugih zemalja.

Na Festivalu prijateljstva prijatelji i dobri ljudi Goražda, BiH i svijeta žele da preko prijateljstva, kulturom, igrom i zabavom, kao prijatelj – prijateljima, pomognu Goraždu i BiH u izgradnji zajedničke nam budućnosti u Evropi i svijetu.

Festival prijateljstva je kulturna manifestacija internacionalnog, multikulturalnog i tradicionalnog karaktera.

Odlukom Vlade Federacije BiH iz 2008.god., «Internationalni Festival prijateljstva» u Goraždu proglašen je kulturnom manifestacijom od federalnog značaja i interesa.

Festival se održava u periodu od 30.jula do 07.avgusta 2010.

Tradicionalno na Festivalu učestvuju predstavnici sa četiri kontinenta: Evrope, Azije, Sjeverne Amerike i Australije, sa preko 1500 učesnika, iz više od 20 zemalja.

Na Festivalu učestvuje svakodnevno desetine hiljada posjetilaca.

Festival prijateljstva simbolizira i razvija u sebi civilizacijske i demokratske vrijednosti i dostignuća koji se ogledaju u susretima različitih kulturoloških svjetonazora iz cijelog svijeta, interkulturalnog prožimanja, širenja prijateljstva i uzajamnog razumijevanja među ljudima i druženje mladih, uspostavljajući trajne mostove prijateljstva, ljubavi i saradnje u Evropi i svijetu.

**U programskom, odnosno, sadržajnom smislu, Festival njeguje gotovo sve forme umjetničkog izraza i stvaralaštva, tako da ga ta dimenzija čini različitim i drugačijim od ostalih kulturnih manifestacija u BiH, regiji i šire. Počevši od gotovo svih formi muzičkog izraza i stvaralaštva /pop, rock, hip-hop, folk, folklor, duhovna, klasična muzika, eksperimentalna muzika sa primjesama modernih efekata i performansi/, preko likovnog umjetničkog stvaralaštva, pozorišne, filmske i književne umjetnosti, radionica žongliranja, radionice borilačkih vještina, muzičke radionice, radionice fotografije, radionice muzike i plesa, break-dance i hip-hop radionice, radionice šminkanja itd., pa sve do svijeta modnih sadržaja, uličnih performansi, animacija, akrobacija, cirkuskih vještina, brazilskih i španskih (baskijskih) plesova.**

Na Festivalu prijateljstva zastupljeni su i sadržaji sportsko-turističkog karaktera, što se posebno odnosi na regatu niz Drinu i druge slične sadržaje, koji svake godine okupe veliki broj učesnika i izmame interesovanje mnogih, a naročito mlađih učesnika.

**Festival prijateljstva je prepoznatljiva, jedinstvena manifestacija i spada među najznačajnije kulturne događaje u BiH i šire, koju redovno finansijski podržava općina Goražde, Vlada Bosansko-podrinjskog kantona Goražde i drugi viši nivoi vlasti u BiH, kao što su: Federalno ministarstvo za kulturu i sport BiH, Ministarstvo civilnih poslova BiH i drugi nivoi i institucije BiH. Festival podržavaju brojni značajni sponzori koji su prepoznali svoju šansu da se predstave na Festivalu. Festival ima nepodjeljenu podršku građana Goražda, Kantona i šire regije. Festival je izazvao velike simpatije kod nas i u svijetu.**

### **3.CILJEVI**

Cilj organizacije ovog festivala je prvenstveno razvoj najvećih ljudskih, društvenih i međunarodnih vrijednosti, kroz animiranje i aktivnost najmlađih-djece i omladine, kao i svih drugih kategorija stanovništva. Festival na neposredan način uči o univerzalnim vrijednostima i doprinosi razvoju tolerancije, ljubavi, razumijevanja, poštovanja, prevazilaženju predrasuda, očuvanju tolerancije, miroljubivosti, spremnosti za rad, uzajamno podržavanje, predanost poslu, ideji i drugim najvećim vrijednostima.

Cilj je stvaranje i širenje osjećaja tolerancije i razumijevanja među ljudima, bez obzira na vjersku, nacionalnu, rasnu ili drugu pripadnost.

**I ovaj Festival prijateljstva potvrđuje da su različitosti prednost i novi kvalitet društvenog i međunarodnog života.**

Festival prijateljstva ima za cilj da na najbolji način prezentuje grad Goražde, Bosansko-podrinjski kanton Goražde i BiH u regiji, Evropi i svijetu.

Također, jedan od praktičnih ciljeva je da Festival bude uvršten u Kalendar evropskih kulturnih manifestacija, jer po svom karakteru, različitosti, po broju učesnika i drugim karakteristikama, predstavlja najveće vrijednosti i svakako zaslužuje da bude u kalendaru značajnih kulturnih manifestacija koji će imati i finansijsku podršku EU.

#### **4. NAČIN REALIZACIJE**

Aktivnosti za ovogodišnji Festival počinju u februaru sazivanjem i konstituisanjem Organizacionog odbora Festivala i dogovorom oko organizacije Festivala i načina rada, uz stalne kontakte sa prijateljima, nosiocima aktivnosti organizacije iz Francuske, Španije i drugih zemalja.

##### **Organizacioni odbor:**

- Mr. Muhamed Ramović – načelnik općine Goražde, predsjednik Organizacionog odbora Festivala,
- Alma Delizaimović - Ministarstvo obrazovanja, nauke, kulture i sporta BPK Goražde,
- Sanid Zirak- pomoćnik načelnika općine Goražde, zamjenik predsjednika Organizacionog odbora Festivala,
- Veljo Droca – počasni građanin Goražda,
- Mensud Ćurović – Roka – direktor JU Gradska dvorana «Mirsad Hurić»,
- Sabina Gušo – direktorica Doma zdravlja «Dr. Isak Samokovlija»,
- Sadik Silajdžić – direktor JKP «6. Mart»,
- Mr. Hamdo Sijerčić – direktor JU Centar za kulturu Goražde,
- Ernad Metaj, predsjednik Upravnog odbora Centra za kulturu,
- Senad Zorlak, član UO Centra za kulturu,
- Omer Kadić, član UO Centra za kulturu,
- Almir Sijerčić, član UO Centra za kulturu,
- Adnan Bukva, član UO Centra za kulturu.

##### **Slijedeći korak je donošenje odgovarajućih odluka:**

- Konstituisanje Organizacionog odbora i izbor njegovog predsjednika i zamjenika,
- Usvajanje Programa XIII Internacionalog Festivala prijateljstva Goražde 2010. Program se dostavlja Općinskom vijeću Goražde do 31.marta 2010.
- Formiranje Operativnog tima sa nosiocima aktivnosti.
- Međusobni dogovor o zajedničkim i konkretnim obavezama pojedinaca i institucija zaduženih za određene aktivnosti na Festivalu,
- Drugim aktuelnim pitanjima.

##### ***Najvažnije aktivnosti organizacije i programskih sadržaja Festivala su:***

- ***Kontakti i dogovori sa našim prijateljima – učesnicima organizacije iz Francuske, Španije i dr. zemalja,***
- ***Razvoj marketinga i odnosi sa sponzorima***

- *Javne nabavke*
- *Logistika*
- *Finansije*
- *PRESS služba i odnos sa medijima*
- *Radionice za djecu*
- *Internacionalna likovna kolonija «Boje prijateljstva» Goražde 2010.*
- *Pop-rock muzika*
- *Narodna, duhovna i klasična muzika*
- *Susreti kulturno – umjetničkih društava*
- *Pozorište i film*
- *Ljetni sajam knjige i promocije književnosti*
- *Ceremonija otvaranja i zatvaranja Festivala*

Nosioci aktivnosti će izraditi svoje prijedloge programa i potrebe koje će dostaviti do 30.aprila na usvajanje. Također, svi oni koji žele da učestvuju na Festivalu mogu se prijaviti do navedenog roka.

Organizacioni odbor će do 15. juna usvojiti programske sadržaje XIII Internacionalnog Festivala prijateljstva Goražde 2010.

**Uz navedene sadržaje Festivala, poseban značaj ima ostvarivanje višegodišnje ideje o formiranju «Kluba prijatelja» Goražda.** Članovi Kluba mogu biti svi prijatelji Goražda i Goraždani iz cijelog svijeta, kojih kao što je poznato ima više nego stanovnika Goražda. U zajedničkoj saradnji, Klub prijatelja mogao bi dati značajan doprinos razvoju Festivala prijateljstva, ali i ukupnom razvoju. Zainteresovani za članstvo u Klubu prijatelja Goražde mogu se prijaviti na jedan od načina na naše poznate adrese. Klub bi mogao organizovati prigodne sadržaje, od samih susreta, organizacije Okruglog stola sa mogućnostima upoznavanja zainteresovanih o uslovima otvaranja biznisa, poduzetništva i sl.

Ogromna je šansa da se na Festivalu promovira turističko-privredni potencijali ovog podneblja.

**Iskoristimo to i učinimo sve, svako sa svoje strane, da XIII Internacionalni Festival prijateljstva Goražde 2010. bude najbolji do sada.**

Programski sadržaj odvijaće se na više mjesta u gradu i drugim susjednim opštinama. Cijeli grad bi mogao biti jedna velika pozornica – od ulica, mostova, do bina pred Dvoranom «Mirsad Hurić», na Trgu, Ljetnom kinu i prostoru Centra za kulturu. Sagledati mogućnost održavanja određenih aktivnosti na poznatom mjestu Žanj.

**Sve navedeno isfinansirati u okvirima raspoloživih sredstava.**

Kao što je više puta istaknuto, koncept Festivala je otvoren za sve zainteresovane učesnike, prije svega, za djecu, mlade i sve druge koji žele dati vlastiti doprinos sa svojim programom ili na drugi način.

Ovogodišnji Festival posebno će promovirati volonterizam, uključivanjem što većeg broja mladih, što je i njegova originalna ideja od prvog Festivala.

Ako je čovjek bogat koliko ima prijatelja, sa svojim prijateljima Goražde je ponosan i može da bude najbogatiji grad. Proteklih dvanaest Festivala prijateljstva je na najbolji način to potvrdilo. Malo je gradova u svijetu koji imaju Festival prijateljstva.

Festival u Goraždu nije samo kulturna, sportska i zabavna manifestacija. On je mnogo više od toga. Festival je i turističko-privredna manifestacija koja doprinosi ukupnom društveno-ekonomskom razvoju kako, lokalne zajednice - općine Goražde, tako Kantona, Federacije, BiH i regije.

\*\*\*

**Projekcija Plana prihoda:**

1. Općina Goražde.....	100.000,00
2. Ostali sponzori.....	65.000,00
<b>UKUPNO.....</b>	<b>165.000,00</b>

**Plan rashoda:**

1. Javne nabavke /ozvučenje, rasvjeta, ugostite. usluge i medijsko pokroviteljstvo/.....	75.000,00
2. Izvođači narodne, pop-rok, duhovne muzike i folklora.....	45.000,00
3. Likovna kolonija, književne promocije, ljetni sajam knjige, pozorište i dječije radionice.....	15.000,00
4. Troškovi za promotivni materijal, voditelje, prevodioce, oglase i vatromet.....	8.000,00
5. Troškovi organizacije i obezbjeđenja, sa ostalim uslugama i ugovorima.....	22.000,00
<b>UKUPNO.....</b>	<b>165.000,00KM</b>

**Najznačajnija aktivnost u narednom periodu jeste marketing, odnosi sa sponzorima i donatorima Festivala prijateljstva.**

Kao jedna od najvećih kulturnih manifestacija po broju učesnika, posjetilaca i različitosti programa u BiH, regiji i šire, Internacionalni Festival prijateljstva je prilika za veliki broj firmi, udruženja i medijskih kuća da ostvare svoju promociju na najbolji mogući način.

Festival je maksimalno otvoren, sa pružanjem velikih mogućnosti da se ostvare obostrani interesi organizatora i različitih sponzora i donatora. U zavisnosti od interesa na koji način se neko želi predstaviti na Festivalu, otvorene su mogućnosti da se to ostvari u različitim kategorijama:

- Generalni sponzor je onaj ko finansira Festival u vrijednosti više od 10.000,00 KM
- Glavni sponzor je onaj ko finansira vrijednost do 10.000,00 KM,
- Sponzor, sa vrijednosti do 5.000,00 KM.

Može se finansirati cjeloviti program na određenom mjestu /bini i sl./ , sa imenom sponzora i programom željene promocije, sukladno zajedničkom dogovoru. Također, moguće je u vlastitoj režiji, po vlastitom izboru, finansirati dio programa Festivala uz odobrenje Organizacionog odbora Festivala.

Organizator će učiniti sve da zadovolji interese svih sponzora i donatora.

Na kraju Festivala, Organizator će za poseban doprinos učesnicima dodijeliti plaketu **PRIJATELJ XIII Internacionalnog Festivala prijateljstva Goražde 2010.**

***Moto ovogodišnjeg Festivala mogao bi biti «Sve za prijateljstvo, jer čovjek čovjeku je najveći dar».***

***Umjesto zaključka:***

Goražde sa svojim Goraždanima i prijateljima baštini najveće vrijednosti kulture.

Goražde, Bosansko-podrinjski kanton sa regijom je među najbogatijim mjestima kulturno-historijskog naslijeđa, koja i danas svjedoče o hiljadugodišnjem, zajedničkom životu najpoznatijih kultura svijeta, od starog Rima, Ilira, katolika, pravoslavnih, muslimana, jevreja - sefarda i dr. U proteklom periodu, nikada i ničim, nije se moglo dovesti u pitanje kultura zajedničkog života. To što ima Goražde nema niko. U neposrednoj blizini grada otkriveno je vrlo značajno nalazište iz doba neolita, staro više od 7000 godina, koje je bilo na najvećem stupnju razvoja. Goražde je iznjedrilo svoje velikane, koji su stvorili vrijedna književna i mnoga druga djela svjetske vrijednosti, koja su najbolji dar ovim i budućim generacijama. Goraždani su ponosni na prvu štampariju na Balkanu u Goraždu. Goražde i Bosansko-podrinjski kanton raspolažu sa najljepšim prirodnim uslovima - rijekom Drinom, sa najljepšim slivom i drugim, prekasnim planinama, visoravnima i poljanama.

Festival je izraz i odraz svega navedenog i mnogo toga drugog. Ko jednom dođe na Internacionalni Festival prijateljstva, ostaje trajno vezan uz Goražde.

***Dobro došli na XIII Internacionalni Festival prijateljstva Goražde 2010.  
Učinimo sa radošću da ovaj Festival bude najbolji do sada.***

Po usvajanju programa isti prevesti na više jezika.

Program dostaviti svim relevantnim adresama u BiH, koji su pozvani da na jedan od načina pomognu ovu kulturnu manifestaciju, a program na engleskom i drugim jezicima uputiti na relevantne adrese EU, sa molbom za pokroviteljstvo Festivala.